

լիստանի դաշնագրությամբ պարսկական կառավարութիւնը պաշտոնապես ճանաչեց Ղարաբաղի խանութեան միացումը Ռուսաստանին, որն իրապես տեղի էր ունեցել 1805 թ., իսկ խանութեան հարավային հատվածը, Չավնդուր-Ողջի (Օխլի) գետի աջ ափից մինչև Արաքսի ափերը, մնաց Պարսկաստանին: Մեղրու գավառակն անջատվեց Ղարաբաղի խանութից և հանձնվեց Սևքարի (Ղարադաղի) տեր Աբուլ-Ֆետ խանի իրավասութեանը: Մնացած գավառակները շարունակեցին մնալ մահալների բաժանված և կառավարվում էին ըստ ավանդական սովորութեան Շուշում նստող խանին ենթակա կառավարիչներով, որոնց մեծ մասը կրում էր մելիք տիտղոսը: Չանգեզուրի գավառակը մտնում էր Տաթևի մահալի մեջ, որը կառավարում էր Օրբելյանների մելիքական տունը: Մահալական բաշխումը պահպանվեց մինչև Մեհտի-Ղուլի խանի փախուստը Պարսկաստան, թեև խանութեան այդ մասում նստած էր սահմանի հանգստութեանը հսկելու համար ուսական ոչ փոքր կայազոր, որի հրամանատարները միջամտում էին մելիքների գործունեութեանը: Այդ բաշխումը պահպանվեց և Մեհտի-Ղուլի խանի 1822 թ. փախուստից հետո, երբ խանութիւնը վերանվանվեց «Ղարաբաղի պրովինցիա» — «Карабахская провинция» և խանի իշխանութիւնը փոխարինվեց Անդրկովկասի վարչապետի² կողմից նշանակված կոմանդանտի իշխանութեամբ: Կոմանդանտը նույնիսկ աշխատում էր ուժեղացնել մահալներում մելիքների հեղինակութիւնը, ենթարկելով նրանց վարչական և դատական իրավասութեանը մահալի խոշոր կալվածատերերին, որոնք մինչ այդ բավականին անկախութիւն էին վայելում³: Այդ շրջանայնացումը շտախտվեց նաև 1828 թ. Քուրմենչայի դաշնագրութեանց հետո, երբ Մեղրու գավառակն էլ անցավ Երևանի և Նախիջևանի խանութիւնների հետ Ռուսաստանին և ճանաչվեց նրանց հետ միասին Հայկական մարզի մի մասը (часть Армянской области) ենթակա Օրդուբադում նստող կառավարչին: Գրութիւնը հիմնովին փոխվեց 1840 թ. ապրիլի 10-ին կայսեր կողմից հաստատված՝ սենատոր Հանի մշակած օրենքի հրատարակումից հետո, որով Անդրկովկասում մտցվեց նոր բաղադրական վարչութիւն և նոր վարչական բաժանում: Ղարաբաղի պրովինցիան մտավ Կասպիական նահանգի մեջ որպես նրա «Շուշու գավառը», իսկ Չանգեզուրի բոլոր մահալները՝ որպես այդ գավառի մեկ գավառամաս (участок): Գավառապետը (уездный начальник) նստում էր Շուշում, գավառամասի տեղապետը (участковый заседатель)՝ Բուն Չանգեզուրի Գորիս գյուղում:

Երբ 1849 թ. առանձնացվեց Երևանի նահանգը, Գորիսի գավառամասի գլխավոր մահալները կցվեցին նրան: 1868 թ. կազմակերպվեց Գանձակի նահանգը (Елисаветпольская губерния): նրա մեջ մտան առանձնացրած և՛ Շուշու գավառը (Шушинский уезд), և՛ Չանգեզուրի գավառը (Зангезурский уезд): Վերջինս միացնում էր թե՛ Բուն Չանգեզուր և թե՛ Միսիան ու Կապանն իրենց տեղապետներով՝ զանդառելներով: Քանի որ նորակազմ գավառի պետը նստում էր Գորիսում, Բուն Չանգեզուրի կենտրոնում, Չանգեզուր անունը տարածվեց բոլոր գավառամասերի վրա: Այսպիսով Չանգեզուր անունը ստացավ ընդլայնած նշանակութիւն:

1840 թ. օրենքով մելիքների վարչական և դատական իրավունքները վե-

² Ա. Պ. Երմոլովի:

³ Иваненко В. Н., Гражданское управление Закавказья, Тифлис, 1901, էջ 150 և 303: